

世間推窮曆數信受奉行

元始天尊說十一曜大消災神呪經

太上洞真五星秘授經

爾時

元始天尊於大羅天上白玉京中黃金闕內承華殿上與天仙地水仙等說三元兩曜五星及羅睺計都二十八宿等真君之號而言曰吾觀見四海之內九地之人上至帝王侯伯下及飛走萬類山河分野臨照之處禍福應見不能詳辨況大地人民多造罪惡希成善因致九州靈官三元上奏罪業深重減祿促壽速歸下泉變種種形狀永居畜類今我演此真經令九地之人依法遵教獲種種福俱得延齡而宣言曰

東方木德真君主發生萬物變慘為舒如世人運忒逢遇多有福慶宜弘善以迎之其真君戴星冠躡朱履衣青霞壽鶴之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

木星真君 動必懷仁 憫見志願 壽我千春
西方金德真君主擎斂萬物告成功肅如世

人運忒逢遇多有災恠刑獄之咎宜弘善以迎之其真君戴星冠躡朱履衣皓鶴白霞之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

金星真君 禍无常準 蠢動成形 俱希舍忍
南方火德真君主長養萬物燭幽洞微如世人運忒逢遇多有災厄疾病之尤宜弘善以迎之其真君戴星冠躡朱履衣朱霞壽鶴之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

火星真君 主張諸惡 去邪護真 慎勿交錯
北方水德真君通利萬物含真娠靈如世人運忒逢遇多有災滯劫掠之咎宜弘善以迎之其真君戴星冠躡朱履衣玄霞壽鶴之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

水星真君 含育萬類 禍福不差 其功罔匿

中央土德真君主四時廣育萬類成功不愆如世人運炁逢過多有憂塞刑律之厄宜私善以迎之其真君戴星冠躡朱履衣黃霞壽鶴之衣手執玉簡懸七星金劍垂白玉環佩宜圖形供養以異香珍果淨水名香燈燭清醴虔心瞻敬至心而呪曰

土星真君陰私至德福我蒼生長躋壽域太陽真君主照臨六合舒和萬彙如世人運炁逢過多有喜慶宜私善以迎之其真君戴星冠躡朱履衣絳紗之衣手執玉簡懸七星金劍垂白玉環佩宜圖形供養以異花珍果淨水名香燈燭清醴虔心瞻敬至心而呪曰
太陽真君果臬高邁萬類仰之群動是賴太陰真君主肅靜八荒明明輝盛如世人運炁逢過多有懽懽之喜宜私善以迎之其真君戴星冠躡朱履衣素紗之衣手執玉簡懸七星金劍垂白玉環佩宜圖形供養以異花珍果淨水名香燈燭清醴虔心瞻敬至心而呪曰
太陰真君常弘正道陰德不愆福我億兆

羅睺真君主九天之下一切諸惡如世人運炁逢過多有災厄深重宜私善以迎之其真君戴星冠躡朱履衣純玄之衣手執玉簡懸七星金劍垂白玉環佩宜圖形供養以異花珍果淨水名香燈燭清醴虔心瞻敬至心而呪曰

羅睺真君冥冥可畏好道合私可期千歲計都真君主九地之上一切罪惡如世人運炁逢過多有厄難困苦之災宜私善以迎之其真君戴星冠躡朱履衣純玄之衣手執玉簡懸七星金劍垂白玉環佩宜圖形供養以異花珍果淨水名香燈燭清醴虔心瞻敬至心而呪曰
計都真君默察察九天之下護命惡殺二十八宿真君主世人榮樂壽苦之數其真君俱戴星冠躡朱履衣絳紗之衣手執青玉簡佩七星寶劍垂金瑤珠珮各宜圖形供養以異花珍果淨水名香燈燭清醴虔心瞻敬至心而呪曰
群星虎光環拱辰極普天兆民常蒙至德

天尊言九地世人若遇災星臨照之處但依受此法元不獲諸福慶若三元設醮建立壇場誦諸神呪廣積吉善為民祈福三官上奏即命真錄延算俱得長生
天尊勅諸大仙及九府靈官三元上奏三官隨其善惡速須上奏我令一切成形永不墜諸惡類種種福是時應諸大仙稽首上奏願承慈旨永當奉行

太上洞真五星秘授經